



Акафист Пресвятой Богородице пред иконой «Взыскание погибших»

Кондак 1

Возбранной Воеводе, Царице небесé и земли, даровавшей нам пречудную икону Взыскующую, благодарственное приносим пение. Ты же, яко благосёрдая Мати, не отрини нашего сего моления, но благоволи прияти е, и сподоби вопити Тебé тако: Рáдуйся, Благодáтная Богорóдице Дéво, всеблагáя Мати, взыскующая погибáющих.

Икос 1

А́нгельский услы́ша глас святáя А́нна, вещáяй: зачнёши и роди́ши Дщерь, преблагословенную Мари́ю, о Нейже благословя́тся вся колéна земна́я и приидет спасéние все́му ми́ру; мы же, сиé вéдуще, возопи́м Богорóдице:
Рáдуйся, Мати Сы́на Бóжия; рáдуйся, пренепорóчная Дéво.
Рáдуйся, Спáса душ нáших родившáя; рáдуйся, Невместíмага вместíлище.
Рáдуйся, к смёртным благоволенíе; рáдуйся, смёртных к Бóгу дерзновéние.
Рáдуйся, честнéйшая херувíм; рáдуйся, слáвнейшая без сравнénия серафíм.
Рáдуйся, áда и смёрти попра́ние; рáдуйся, вéчных жи́зни даровáние.
Рáдуйся, Благодáтная Богорóдице Дéво, всеблагáя Мати, взыскующая погибáющих.

Кондак 2

Видевше святїи Твой родїтелие Иоакїм и Анна, яко Ты еси, Пречїстая, плод благословенный, возблагодариша Бѣга, и пред двѣрьми храма положиша обѣт посвятїти Тя Господу, поюще Ему: Аллилуїа.

Икос 2

Разум совершенный стяжала еси, Богородице, воспитавшись во святая святых, тако же не престани умудряти и просвещати светом богоразумия и вся христианы, вопиющия Ти таковая:

Радуйся, к богопознанию приводящая; радуйся, к свету истины прельщенных обращающая.

Радуйся, страх Божий в сердца вселяющая; радуйся, благоговѣти пред святынею научающая.

Радуйся, ревностию ко спасению воодушевляющая; радуйся, храмы Божии почитати внушающая.

Радуйся, в них отраду находить вдохновляющая; радуйся, жажду Святаго Причащения возбуждающая.

Радуйся, веру и любовь к Богу воспаляющая; радуйся, чистоты и целомудрия поборнице.

Радуйся, Благодатная Богородице Дѣво, всеблагая Мати, взыскующая погибающих.

Кондак 3

Сила Вышняго осени Тя, Благодатная, егда архангел Гавриил благовествование о безсеменном зачатїи из Тебѣ Сына Божия Спасителя миру принесѣ; Ты же, приявши сїю благу ю вѣсть со смиренїем, яко раба Господня, возопїла еси Богу: Аллилуїа.

Икос 3

Имуще во утробѣ Христа Жизнодавца, востекла еси, Благословенная, к южице Своей, праведней Елисаветѣ, и целовастесь обе матери, радующеся о Бѣзе Спасѣ нашем. Сего ради, яко источнику святых радости, вопїем Ти сїце:

Рáдуйся, тяжкое житиé нáше облегчáющая; рáдуйся, лю́тыя беды́ и напáсти отгоняющая.
Рáдуйся, от душе́вныя т́ги и уны́ния спасáющая; рáдуйся, испытáния Бóжия за блáго приимáти указу́ющая.
Рáдуйся, в самéх страдáниих утешéние подаю́щая; рáдуйся, я́ко Тобóю дóброе желáние нáше исполняется.
Рáдуйся, я́ко Тобóю злáя начинáния нáша пресека́ются; рáдуйся, огнём Мáтерния Твоея́ любвё́ дýши вёрных согревáющая.
Рáдуйся, благодáтию Свята́го Дýха нас озаря́ющая; рáдуйся, всех скорбя́щих и угнетённых Мáти благосёрдая.
Рáдуйся, Благодáтная Богорóдице Дéво, всеблагáя Мáти, взыску́ющая погибáющих.

Кондак 4

Бýря недоумéния смущáет мне ум, кáко возмогú недостóйными устн́и восхвалíti Тя, Пресвятáя Дéво, за Твоё вели́кое нам вспомо́жение; тёмже, величáя неисчётныя Твоя́ мило́сти, смиренномúдренно пою́ Вседержителю́ Бóгу: Аплли́уиа.

Икос 4

Слы́шаша вифлеёмстии па́стырие áнгелов, пою́щих Христо́во Рождество́, тékше к пещéре, обретóша тáмо Богороди́тельницу, на рука́х держáщую Предвёчна́го Младéнца. С ними́ в весéлии духо́вном и мы Тебё́, я́ко о́бщей Матери, глаго́лем тáко:
Рáдуйся, младéнцев воспитáние; рáдуйся, о́троком смы́сла подáтельница.
Рáдуйся, дóбрых дел вели́чие; рáдуйся, возра́стных мужéй премúдростию обогащáющая.
Рáдуйся, жизнь смире́нием и крóтостию наделя́ющая; рáдуйся, ста́рцев благоговéйных слáдкое успокоéние.
Рáдуйся, ста́риц благолюбíвых т́хое прибéжище; рáдуйся, честных бра́ков устроéние.
Рáдуйся, благочестíвых семе́йств благословéние; рáдуйся, дéвства похвалó и возвышéние.
Рáдуйся, Благодáтная Богорóдице Дéво, всеблагáя Мáти, взыску́ющая погибáющих.

Кондак 5

Боготечною звездою являешися, Царице Небесная, всем под кров Твой всемо́щный прибега́ющим и непреста́нно во умиле́нии сердечном вопи́ющих Бо́гу: Аллилу́иа.

Икос 5

Ви́дя пра́ведный Симео́н Тя прише́дшую с Младенце́м Иису́сом во хра́ме предста́витися Го́сподеви, рече́: Тебе́ Само́й ду́шу ору́жие про́йдет, проразумева́я Ма́терняя Твоя́ страда́ния о Сы́не Твоём Божество́ннем. Сего́ ра́ди зове́м Ти:

Ра́дуйся, рабо́в Бо́жиих осмеива́емых ободрение; ра́дуйся, стоящих за пра́вду защи́щение.

Ра́дуйся, терпели́вых страда́льцев предвкуше́нием блаже́нства на небеси́ услажда́ющая; ра́дуйся, серде́ц злых люде́й, вражду́ющих противная, умягча́ющая.

Ра́дуйся, сове́ты лука́выя и кова́рство их разоря́ющая; ра́дуйся, от разбо́йников на пу́ти нас охраня́ющая.

Ра́дуйся, Благода́тная Богоро́дице Де́во, всеблага́я Ма́ти, взыска́ющая погиба́ющих.

Кондак 6

Пропове́дницы Твоея́ благода́тная по́мощи все мно́жество Тобо́ю спасе́нных есть: стра́ждущи, боля́щи, скорбя́щи и грехи́ обремене́нии, благодарственно о Тебе́ вопи́ущи к Бо́гу: Аллилу́иа.

Икос 6

Воссия́ божество́нный свет во Египте и падо́ша та́мо идоли, егда́ бежа́ла еси́, Пречи́стая, с Богомладенце́м Иису́сом, спаса́ющися от убийства Иродова; Ты бо, озаря́ющи све́том богове́дения умы́ всех, удаля́ющихся преле́стей суетнаго ми́ра, исторгáеши из душ их куми́ры гнездя́щихся та́мо губительных страсте́й, те́мже превозно́сим Тя словеси́ сими́:

Рáдуйся, сумнящихся в вéре вразумлénие; рáдуйся, гóрдых умóм своим смирénие.
Рáдуйся, озлóбленных и гнéвом палíмых укрощénие; рáдуйся, рóпщущих на прóмысл Бóжий с тяготáми жízни примирénие.
Рáдуйся, заблúждших на путь спасénия наставляющáя; рáдуйся, суевérных и гадáтелей посрамлénие.
Рáдуйся, разврáщенных и нечестíвых обличénие; рáдуйся, я́ко душеврédныя учénия низлагáеши.
Рáдуйся, я́ко й́стину познавáти помогáеши; рáдуйся, я́ко мрак хулí, срамослóвия и вся́кия лжи разсевáеши.
Рáдуйся, Благодáтная Богорóдице Дéво, всеблагáя Мáти, взыскúющая погибáющих.

Кондак 7

Хотя́ще николíже отлучáтися от рождénнаго Тобóю Спасítеля мíра, Ты, Богоблажénная, пребывáла еси́ с Ним неотлúчно во граде Назарéте, детоводя́щи и пита́ющи Егó, я́ко Человéка, и пою́щи в сéрдце Своём, я́ко Бóгу: Аллилу́иа.

Икос 7

Нóвую показúющи Мáтернюю любóвь к Сы́ну Твоемú, со скóрбию иска́ла еси́ Егó, двоюнадесятолётняго О́трока, во граде Иерусали́ме в прáздник Пáсхи, мня́щи Егó во дружине быти. Вéдуще таковóе Твоé сердобóлие, со умилénием вопиём Ти:
Рáдуйся, обидимых и огорчénных возвышáющая; рáдуйся, ненавидимых и все́ми отвёрженных чéстию венча́ющая.
Рáдуйся, убóгих и нагíх одея́ние; рáдуйся, нищих и разорénных пита́ние.
Рáдуйся, бездóмных, стрáнных, вдов и сирóт призрénие; рáдуйся, путешествующих благополúчное к дóму возвращénие.
Рáдуйся, заблúждших в пути́ к жилищу приведénие; рáдуйся, дéтем неразúмным рáзум обновля́ющая.
Рáдуйся, умóм и нра́вом простых людéй Своёю пóмощию не оставля́ющая; рáдуйся, упováющих на во́лю Бóжью наслаждénие.
Рáдуйся, Благодáтная Богорóдице Дéво, всеблагáя Мáти, взыскúющая погибáющих.

Кондак 8

Странное и предивное Твое попечение бысть о христианах на всех путех их жизни многмятежныя и многотрудныя; имуще убо в Тебе только милосердную и независтную помощницу, вси облагодетельствованнии Тобою велегласно поют Богу: Аллилуиа.

Икос 8

Вся была еси со Христом, егда служаше Той роду человеческому, якоже божественный Лука повествует. Приидоша бо неции к Сыну Твоему, глаголюще: Мати Твоя и братья Твои вне стоят, видети Тя хотяще. Мним, яко Ты, всеблагая Мати, неотступно пребываеши и со всеми трудящимися во славу Божию, и восхваляющими Тя тако:

Радуйся, сущих во власти к торжеству добра наставляющая; радуйся, святителей правило веры и благочестия являющая.

Радуйся, пастырей ревностию о спасении душ чад духовных снабдевающая; радуйся, наставников совершенный разум.

Радуйся, учащихся в науках преспеяние; радуйся, иноком и инокиням в борьбе с прилоги мира и плоти пособляющая.

Радуйся, судей святое зеркало правды; радуйся, врачей искусное врачевание больных.

Радуйся, земледельцев соработнице и благая помощнице; радуйся, всех трудящихся покою и надежное пристанище.

Радуйся, Благодатная Богородице Дево, всеблагая Мати, взыскующая погибающих.

Кондак 9

Всяк возраст верных благопользуется Твоим попечением, всемилостивая Мати, яко всегда к Тебе прибегающим душеполезная даруеши, потребная в житии доставляеши и усердно ходатайствуеши за ны, немощныя и грешныя, у престола Господа славы, Емуже поем: Аллилуиа.

Икос 9

Витія многовещаннии не мógут изглабóлати Твоея Мáтерния печáли, при кресте Сýна Твоегó бýвшия, егдá видела еси Егó страждуща за вся человеки мýками неизглабóланними; тёмже, яко искушённая по всяческому, претерпéти в сáмых тяжких скорбех и лишённых нам помозí. Сегó рáди взывáем Ти:

Рáдуйся, слепым прозрénие; рáдуйся глухим слýшание.

Рáдуйся, хромым хождénие; рáдуйся, расслабленных тéлом исцелénие.

Рáдуйся, недужных здравíе; рáдуйся, стужáемых от бесóв избавлénие.

Рáдуйся, повреждённых умóm просвещénие; рáдуйся, неисцельных больных на Свой всемо́щней рúце приёмлющая.

Рáдуйся, отчаянных грéшников молénие не отвергáющая; рáдуйся, от пáгубнаго безвóлия их похищáющая.

Рáдуйся, Благодáтная Богорóдице Дéво, всеблагáя Мáти, взыскýющая погибáющих.

Кондак 10

Спасти́ хотя́ мир иже всех Господь, Сый на кресте́, дарова́ всему́ миру пресвятую́ премилосёрдную Мáтерь, егдá изрече́ Пренепорóчней и возлюбленному ученику́: Жéно, се сын Твой, и: Се Мáти твоя́. Благодаряще за сие́ всеблагáго Бóга, глаго́лем Ему́: Аллилу́иа.

Икос 10

Стенá крѣпкая явилася еси́ по завету́ Гóспода, Преблагословénная, дáрующи всем благодénствие, мир, отра́ду, рáдость, яко и Самá сия́ от воскресшаго Христá Спасителя́ прия́ла еси́, услышавши от Него́ привѣтственный глас:

Рáдуйся, яко ублажáют Тя вси рóди; рáдуйся, всякую нéнавидь, злóбу, вражду́ укрощáющая.

Рáдуйся, мир о Дýсе Святе́ в сердца́ вѣрных вселя́ющая; рáдуйся, клевету́, рéвность и злопáмятство истребля́ющая.

Рáдуйся, братолýбием лю́ди ущедря́ющая; рáдуйся, от глáда, хлáда, трýса, потóпа, огня́, мечá огражда́ющая.

Рáдуйся, хлѣбом насущным вѣрных пита́ющая; рáдуйся, смертоно́сную язву́ прекращáющая.

Рáдуйся, гнев Бóжий прáведный утоля́ющая; рáдуйся, прáведных дел поспешénие.

Рáдуйся, на всех путѣх жи́зни христиáн промыслénие; рáдуйся, родителéй благонравíем детéй утешáющая.

Рáдуйся, Благодáтная Богорóдице Дéво, всеблагáя Мáти, взыскýющая погибáющих.

Кондак 11

Пѣние наше смиренное, от полноты любве и усердия Тебе приносимое, не презри, Богоневесто, и не отврати́ся от нас, грешных и недостойных, но помози́ нам очисти́тися от всякия скверны плоти и дѹха, да возмо́жем досто́йно и праведно пѣти Бо́гу: Аллилу́иа.

Икос 11

Свѣтом путеводящим явилася еси́ апостолом, Богородительнице, по вознесѣнии Сы́на Твоего́ на не́бо; се́го у́бо свѣта, о Все-пѣтая, не лишь всех, да́же до се́го дне оста́вльшихся и хотя́щих спастис́я и в ра́зум истины приити́. Твои́м святы́м водительство́м и нас спаси́, в житѣйском мо́ре треволнёными обуреваемых, о́баче от сердца́ принося́щих Тебе́ благохвалѣния тако́вая:

Ра́дуйся, нечистыя помыслы пожига́ющая; ра́дуйся, искуше́ния и собла́зны от нас прогоня́ющая.

Ра́дуйся, к покая́нию и исправле́нию жи́зни наше́я подвиза́ющая; ра́дуйся, слеза́ми сокруше́ния бѣздну беззако́ний на́ших омыва́ющая.

Ра́дуйся, духо́вно бодрствовать нам помога́ющая; ра́дуйся, к трезвѣнию и моли́тве ве́рныя приводя́щая.

Ра́дуйся, блаже́нство дѹха тем уготовля́ющая; ра́дуйся, подви́жников благоче́стия явное укрепле́ние.

Ра́дуйся, Благода́тная Богоро́дице Де́во, всеблагая́ Ма́ти, взыска́ющая погиба́ющих.

Кондак 12

Благода́ть божественную испроси́ нам у Сы́на Твоего́ и Бо́га, простри́ ру́ку по́мощи, да не погибнем во гресѣх и лю́тых обстоя́ниях, находя́щих на ны от враг ви́димых и неви́димых; умиротвори́ наша́ сердца́, зло́бою и враждо́ю испо́лненная, да утѣшени Тобо́ю, ра́достно зове́м Бо́гу: Аллилу́иа.

Икос 12

Поуще честное Твое успение, прославляем и покров Твой святой, распростёртый над всем миром, наипаче же родом христианским, прославляющим Тя тако:

Радуйся, покаянием ко исходу от сей жизни нас приготавливающая; радуйся, болезнями от грехов очищающая.

Радуйся, яко от напрасныя смерти верныя сохраняеши; радуйся, яко последнего напутствия достойная сподобляеши.

Радуйся, смертный страх от тех удаляющая; радуйся, скорое разрешение души от тела в предсмертных муках находящимся посылающая.

Радуйся, мирную кончину живота нашего дарующая; радуйся, горьких мытарств избавляющая.

Радуйся, христианскаго погребения нас не лишаящая; радуйся, ко Господу, Сыну Своему, о нас предстательствующая.

Радуйся, и в жизни и по смерти с нами пребывающая; радуйся, радости наша, двери райския нам отверзающая.

Радуйся, Благодатная Богородице Дево, всеблагая Мати, взыскующая погибающих.

Кондак 13

О Владычице мира! Приими сие малое благодарение наше, от всего сердца Тебе приносимое, и не попусти нам николиже охладевати в сем благодарном чувстве, но вразуми нас всегда помнити Твою неисчетныя милости и со слезами умиления вопити о Тебе Богу: Аллилуиа.

Этот кондак читается трижды, затем 1-й икос «Ангельский услыша ...» и 1-й кондак «Возбранной Воеводе ...».

Молитва первая

О, Пресвятая и Преблагословенная Дево, Владычице Богородице! Призри милостивым Твоим оком на нас, предстоящих пред святою иконою Твоею и со умилением молящихся Тебе, воздвигни нас из глубины греховныя, просвети ум наш, омраченный страстьми, и уврачуй язвы душ и телес наших. Не имамы иныя помощи, не имамы иныя надежды, разве Тебе, Владычице, Ты веши вся немощи и согрешения наша, к Тебе прибегаем и вопием: не остави нас Твоею Небесною помощию, но предстани

нам присно и Твоим неизречённым милосердием и щедротами спаси и помилуй нас, погибающих. Даруй нам исправление греховныя жизни наша и избави нас от скорбей, бед и болезней, от напрасныя смерти, ада и вечныя муки. Ты бо, Царице и Владычице, скорая Помощница и Заступница всем, притекающим к Тебе, и крепкое прибежище грешников кающихся. Подждь убо нам, Прелгаая и Всенепорочная Дево, христианский конец живота нашего, мирен и непостыден, и сподоби нас Твоим ходатайством вселитися в обителях Небесных, идеже непрестанный глас празднующих радостию славит Пресвятую Троицу, Отца, и Сына, и Святаго Духа, ныне, и присно, и во веки веков. Аминь.

Молитва вторая

Заступнице усердная, Благоутробная Господа Мати, к Тебе прибегаю аз, окаянный и паче всех человек грешнейший, вонми гласу моления моего, вопль мой и стенания услыши, яко беззакония моя превзыдоша главу мою, и аз, якоже корабль в пучине, погружаюсь в море грехов моих. Но Ты, всеблагая и Милосердая Владычице, не презри мене, отчаяннаго и во гресех погибающаго; помилуй мя, кающагося в злых делах моих, и обрати на путь правый заблуждшую окаянную душу мою. На Тебе, Владычице моя Богородице, возлагаю все упование мое. Ты, Мати Божия, сохрани и соблюди мя под кровом Твоим, ныне, и присно, и во веки веков. Аминь.

Молитва третья

О Пресвятая Дево Богородице, премилостивая Мати всех христиан, наипаче же скорбящих, гонимых и многоразличными недуги одержимых! Аз, нищ сый и убог душею и телом, предстою пред святым Твоим образом со слезами и умильно прошу Твоего благодатнаго призрения, ничтоже бо доброе и благое во мне есть: весь обложен есмь немощми, нищетою и убожеством; нозе мой не обуваны, дабы поспешати ми на дела святая и богоугодная; рuce мой загрязнены от множества содеянных беззаконий; очи мой потуплены от нечистоты совести, не возмогут взираати на благолепие красоты Твоея; лице мое потемнено и испещрено печатию безчисленных моих пороков и грехопадений. Несть во мне ни спасительныя веры, ни утешительныя надежды, ниже благостынная любовь. Аз есмь яко гнилостный сосуд, преисполненный всякия скверны, гордости, себялюбия, высокоумия, тщеславия, гнева, раздражительности, злобы, памятозлюбия, недоброежелательства,

зависти, ревности, осуждения, ропота, злословия, празднословия, лукавства, лести, обмана, невоздержания душевных и телесных чувств, пристрастия, плотоугодия всякаго, сладострастия и иных тьмочисленных страстей; и всякое убожество мое духовное, и телесныя болѣзни, и напасти обдержаша мя, и все житіе мое, яко трость, колѣблемо ветром, полно недостойнства, страха, и всякия опасности; по глаголу святаго апостола, беды нападѣша отовсюду на мя; беды от духов злобы поднебесных, беды от ненавидящих и обидящих, враждующих противу мене человек; беды от зверей, скотов и гад земных, беды от стихий мира: молнии, огня, воды, тлетворнаго воздуха, хлада, глада; беды от многих немощей и болѣзней моего тела; беды на пути и в дому, беды во дни и нощи. Кто же мя от врагов избавит, кто к добротѣ дел направит, кто болѣзни моя исцелит, кто утешит и успокоит, вразумит, наставит, спасет и помилует мя, аще не Ты, Пресвятая Мати, заступнице и покровительнице всеблагая! Ты рассеянный мой ум собери, помыслы от всякия скверны очисти; чувства, отравленная злом, освежи; волю мою немощную на все доброе укрепи и от пагубнаго безволия мя избави; сердце мое от страстей свободи и святою любовью к Богу и ближним наполни; всю внутреннюю храмину мою устрой и удобным жилищем Духа Святаго содейлай. Не остави мя, премилосердная Владычице, в телесном моем многоскорбном житии. Болѣзни потреби, враги видимыя и невидимыя разжени, злая обстояния разруши, страх, приходящий от духов злобы и человеков, хотящих мя погубити, отжени. Вся потребная и нужная ми даруй; бодрость духа послѣ; да обновленный, да очищенный, да утешенный Тобою, Царице моя пресвятая, прославлю Святую Троицу, Отца и Сына и Святаго Духа, и Твое дивное о мне попечение ныне и присно и во веки веков. Аминь.